

UGOVOR

o vršenju usluga nadzora nad izvođenjem građevinskih radova molersko farbarski radovi na Stomatološkom fakultetu sa klinikama u Sarajevu

Ugovorne strance:

1. Stomatološki fakultet sa klinikama u Sarajevu, Bolnička 4a, 71000 Sarajevo, kojeg zastupa Dekan Prof.dr.sci. Muhamed Ajanović, Identifikacijski broj:4200542470007, transakcijski račun banke: 3389002207973374 kod UniCredit Bank d.d. u Sarajevu (u daljem tekstu: Naručilac)

i

2. Arhitektonski fakultet u Sarajevu, Patriotske lige 30, 71000 Sarajevo, kojeg zastupa Dekan Prof.mr. Mevludin Zečević, Identifikacijski broj: 4200192800009, Identifikacijski broj obveznika PDV-a: 200192800009, transakcijski račun banke: 3389002208255062 kod UniCredit Bank d.d. u Sarajevu (u daljem tekstu: Izvršilac)

Predmet ugovora

Član 1.

Predmet ovog Ugovora su usluge tehničkog nadzora nad izvođenjem građevinskih radova molersko farbarski radovi na Stomatološkom fakultetu sa klinikama u Sarajevu, a na osnovu Poziva za dostavu ponude broj: 02-2-1-88-3/18 od 09.03.2018. godine i Ponude Izvršioca broj: 02-2-88-15/18 (06-407/2-18) od 15.03.2018. godine. Ponuda Izvršioca predstavlja sastavni dio ovog Ugovora.

Član 2.

- 1) Ukupna vrijednost predmetnog ugovora iznosi 5.999,00 KM (slovima: pethiljadadevetstotinadevedesetdevet i 00/100 KM) bez uračunatog PDV-a, odnosno 7.018,83 KM (slovima: sedamhiljadaosamnaest i 83/100 KM) sa uključenim PDV-om.
- 2) Naručilac se obavezuje da će Izvršiocu blagovremeno dostaviti kompletnu tehničku dokumentaciju i putem svojih stručnih službi omogućiti redovne konsultacije o svim odlukama relevantnim za realizaciju projekta i platiti za vršenje usluga nadzora.
- 3) Navedeni iznos je ukupna vrijednost koju Naručilac plaća Izvršiocu.
- 4) Naručilac obavljene usluge nadzora će platiti 50% avansno po potpisivanju ugovora, a ostatak 50% po završetku nadzora nad izvođenjem građevinskih radova molersko farbarski radovi na Stomatološkom fakultetu sa klinikama u Sarajevu.
- 5) Primopredaja radova se utvrđuje potpisivanjem završnog obračuna, odnosno okončane situacije od strane Naručioca, Izvršioca i Izvođača radova.

Obaveze Izvršioca

Član 3.

Obaveza tehničkog nadzora podrazumijeva da Izvršilac, u interesu Naručioca, osigura kvalitetno izvođenje radova, vrši kontrolu kvalitete ugrađenih materijala i prati dinamiku izvođenja radova, te uskladi i koordinira sve aktivnosti između Naručioca i Izvođača radova.

U skladu s ovim Ugovorom Izvršilac je dužan da:

1. Imenuje nadzorni tim za realizaciju posla, shodno predmetu Ugovora;
2. Vršiti ovjeru privremenih i okončane situacije te ih dostavlja ugovornom organu;

3. Provjerava vrstu i količinu izvedenih radova, sačini zapisnik o primopredaji i konačan obračun radova;
4. Provjerava da li Izvođač radova izvodi u skladu s Odlukom Stomatološkog fakulteta i drugim važećim propisima, pravilima struke i projektnom dokumentacijom,
5. Zahtjeva ateste materijala namijenjenih za ugradnju,
6. Spriječava ugradnju materijala s greškom,
7. Određuje i potrebna ispitivanja materijala,
8. Utvrđuje da li se građevinski materijali upotrebljavaju i prerađuju u skladu s propisima,
9. Provjerava opseg izvedenih radova,
10. Daje mišljenje na opravdanost mogućih dodatnih radova, njihov obim i njihovu cijenu,
11. Redovno upisuje u građevinski dnevnik svoje primjedbe i zaključke, nadzire dinamiku tj. blagovremenost radova, te neposredno učestvuje u izradi konačnog obračuna i u postupku primopredaje objekta,
12. Daje pojašnjenje detalja i prihvaća izvedbene-radioničke nacite Izvođaču radova.

Ukoliko se utvrdi da Izvršilac ne izvršava svoje obaveze nadzora nad izvođenjem građevinskih radova molersko farbarski radovi na Stomatološkom fakultetu sa klinikama u Sarajevu ili iste izvršava na štetu Naručioca, Naručilac zadržava pravo da zadrži isplatu utvrđene vrijednosti ovog Ugovora, radi naknade pričinjene štete.

Rok za početak i za završetak nadzora

Član 4.

Rok za izvršenje usluge nadzora po ovom Ugovoru počinje od dana uvođenja Izvođača radova u posao, a završava danom ovjere okončanog obračuna radova od strane Naručioca, Izvršioca i Izvođača radova, utvrđenim ugovorom o javnoj nabavci radova, zaključenim sa odabranim Izvođačem radova, nakon provedenog postupka javne nabavke.

Početak vršenja usluga nadzora građevinskih radova molersko farbarski radovi počinje danom uvođenja Izvođača radova u posao. Rok izvođenja građevinskih radova molersko farbarski radovi je 2 (dvije) godine. Rok trajanja usluga nadzora građevinskih radova je 26 (dvadesetšest) mjeseci.

Ukoliko dođe do probijanja rokova iz bilo kojih razloga koji dovode do odlaganja ugovorenog datuma završetka radova koji su predmet ovog Ugovora, a koji su nastali krivicom Ugovornog organa Izvršiocu usluga nadzora će se izvršiti obračun i isplata dodatne naknade za svaki započeti mjesec kašnjenja u iznosu od 5% od ukupne ugovorene cijene bez PDV-a. Probijanje rokova završetka radova uzrokovanih višom silom ili okolnostima na koje nije mogao da utiče Ugovorni organ, neće biti predmetom dodatne naknade. Probijanje rokova završetka radova/realizacija Ugovora uzrokovanih krivicom Izvršioca usluga Ugovornom organu pripada pravo naknade nastale štete u iznosu od 5% od ukupne ugovorene cijene bez PDV-a za svaki započeti mjesec kašnjenje.

Raskid ugovora od strane Naručioca

Član 5.

U slučaju da Izvršilac učini grešku iz člana 3. ovog Ugovora, Naručilac ima pravo raskinuti ovaj Ugovor bez otkaznog roka i tražiti naknadu štete od Izvršioca.

Ostale odredbe

Član 6.

Ugovor stupa na snagu danom potpisivanja obje ugovorne strane, a primjenjuje se počev od početka izvođenja radova koji su predmet ovog Ugovora.

Član 7.

Izvršilac nema pravo, u svrhu izvršenja ovog ugovora, da zapošljava fizičke ili pravne osobe koje su bile uključene u pripremu zahtjeva za dostavljanje ponuda ili su bile u svojstvu članova Komisije za javne nabavke, najmanje šest mjeseci po stupanju na snagu istog.

Član 8.

Za sve što nije regulirano ovim ugovorom primjenjivaše se odredbe pozitivnih propisa kojima se reguliraju obligacioni odnosi u Bosni i Hercegovini.

Član 9.

Punovažne i obavezujuće su samo one izmjene i dopune ovog ugovora koje su ugovorne strane sačinile sporazumno i u pismenoj formi

Član 10.

Sve eventualne sporove u vezi realizacije ovog ugovora ugovorne strane će rješavati sporazumno, a u protivnom je nadležan Sud u Sarajevu.

Član 11.

Ovaj ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.



Za Izvršioca:

Arhitektonski fakultet u Sarajevu

Dekan:

Broj: 05-30/57-18

Sarajevo, 19.04. 2018. god.

Za Naručioca:

Stomatološki fakultet sa
klinikom u Sarajevu

Dekan:



Broj 02-2-1-89-29/18

Sarajevo, 17.04. 2018. god